

Handwritten signature



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-51765-6/25
Sarajevo, 30.10.2025. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), člana 12., u vezi sa članom 9., 10. i 13. Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima Zaštićene zone UN „Srebrenica“ („Službene novine Kantona Sarajevo“, broj: 18/22), člana 3. Budžeta Kantona Sarajevo - razdjel 11130001 („Službene novine Kantona Sarajevo“, broj: 13/25), te člana 7. i 8. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21, 13/22, 21/24 i 10/25) Vlada Kantona Sarajevo, na **129.** vanrednoj sjednici održanoj **30.10.2025.** godine, donijela je

O D L U K U
O USVAJANJU PLANA I PROGRAMA PODRŠKE ŽRTVAMA I PORODICAMA ŽRTAVA
GENOCIDA NAD BOŠNJACIMA ZAŠTIĆENE ZONE UN „SREBRENICA“

Član 1.

Usvaja se Plan i program podrške žrtvama i porodicama žrtava genocida nad Bošnjacima Zaštićene zone UN „Srebrenica“ za 2025. godinu.

Član 2.

PLAN I PROGRAM PODRŠKE ŽRTVAMA I PORODICAMA ŽRTAVA GENOCIDA
NAD BOŠNJACIMA ZAŠTIĆENE ZONE UN „SREBRENICA“

Naziv davaoca budžetskih sredstava:	Ured Vlade Kantona Sarajevo za podršku Srebrenici
Datum izrade	01.10.2025. godine
Pravni osnov	- Zakon o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima Zaštićene zone UN „Srebrenica“ („Službene novine Kantona Sarajevo“, broj: 18/22), - Budžet Kantona Sarajevo („Službene novine Kantona Sarajevo“, broj: 13/25), - Uredba o dodjeli transfera neprofitnim organizacijama i pojedincima iz Budžeta

Ukupan iznos sredstava utvrđenih Planom i programom podrške po svim izvorima finansiranja	Kantona Sarajevo („Službene novine Kantona Sarajevo“, broj: 22/21, 13/22, 21/24 i 10/25). - Uredba o osnivanju Ureda Vlade Kantona Sarajevo za podršku Srebrenici („Službene novine Kantona Sarajevo“, broj: 29/22). 1.700.000,00 KM
Procijenjene grupe korisnika sredstava	- Fizička lica koja ispunjavaju uslove iz člana 10. stav (1) tačka l) Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima Zaštićene zone UN „Srebrenica“ (u daljnjem tekstu: Zakon), - Pravna lica koja ispunjavaju uslove iz člana 10. stav (1) tačke f) i j) Zakona i - Memorijalni centar Srebrenica - Potočari Spomen obilježje i mezarje za žrtve genocida iz 1995. godine (u daljnjem tekstu: Memorijalni centar).
Opći cilj programa sa jasnom vezom sa relevantnim strategijama/ili prioritetima davanja sredstava, odnosno Vlada	Podrška održivog povratka, razvojnih projekata i obnove u jedinici lokalne samouprave Srebrenica i regije Istočna Bosna kao aktivnostima od posebnog interesa za Kanton Sarajevo u svrhu doprinosa i odgovornosti Kantona za provedbu Aneksa VII Općeg okvirnog sporazuma za mir u BiH (Sporazum o povratku izbjeglica i raseljenih osoba), a sve u skladu sa Zakonom. Podrška Memorijalnom centru za istraživačke i razvojne aktivnosti.
Specifični cilj programa koji sadrži mjerljive očekivane rezultate u toku i nakon provođenja finansiranja sredstvima predviđenim u programu utroška sredstava	Podrška održivom povratku kroz: - programe podrške roditeljima i djeci; - program podrške udruženjima građana i fondacijama za aktivnosti održivog povratka, zaštite ljudskih prava i drugih aktivnosti; - program podrške investicijama; - program podrške Memorijalnom centru za istraživačke i razvojne aktivnosti.
Način utvrđivanja postizanja specifičnog cilja sa izvorima podataka će koristiti za utvrđivanje postizanja specifičnog cilja i kako planira doći do tih podataka Kriteriji za dodjelu sredstava koji uključuju opće i posebne kriterije koji će se koristiti za odlučivanje o dodjeli sredstava, a koji moraju biti specifični i objektivno mjerljivi	Izveštaji o provedenim javnim pozivima kako je naznačeno - preliminarne i finalne odluke koje sadrže egzaktno, mjerljive podatke o dodijeljenim sredstvima i broju korisnika. Kriteriji za dodjelu sredstava utvrđeni su Zakonom i Uredbom o dodjeli transfera neprofitnim organizacijama i pojedincima iz Budžeta Kantona Sarajevo (u daljnjem tekstu: Uredba).

**Vrsta programa/projekata/aktivnosti koji će
biti finansirani programom utroška sredstava
sredstava uključujući i vrstu
projekata/aktivnosti koja neće biti
finansirana**

Način dodjele sredstava

- 1) program podrške roditeljima i djeci kroz posebne aktivnosti podrške po rođenju djeteta, redovne podrške roditeljima sa troje i više djece do punoljetstva, nabavku školske opreme i drugih oblika dodatne asistencije za roditelje koji ispunjavaju uslove iz člana 5. stav (8) Zakona;
 - 2) program podrške investicijama na području jedinice lokalne samouprave Srebrenica (dostupan za privredna društva, obrte, zadruge i gazdinstva sa sjedištem ili registrovanom filijalom na području regije istočna Bosna);
 - 3) program podrške udruženjima građana i fondacijama za aktivnosti održivog povratka, zaštite ljudskih prava i drugih aktivnosti vezane za borbu protiv diskriminacije, govora mržnje, građanskog organizovanja na području jedinice lokalne samouprave Srebrenica;
 - 4) program podrške Memorijalnom centru za istraživačke i razvojne aktivnosti.
- Programi 1) do 3) će se realizovati putem javnih poziva;
 - Program 4) će se realizovati temeljem zaključenog Memoranduma o saradnji, a u skladu sa članom 13. stav (1) tačka b) Zakona.

Obrazloženje za utvrđene iznose po projektima / aktivnostima:

- (a) Sredstva namijenjena za finansiranje programa podrške roditeljima i djeci kroz posebne aktivnosti podrške po rođenju djeteta, redovne podrške roditeljima sa troje i više djece do punoljetstva, nabavku školske opreme i drugih oblika dodatne asistencije za roditelje koji ispunjavaju uslove iz člana 5. stav (8) Zakona nalaze se na razdjelu 11130001, ekonomski kod 614200, subanalitika BIM001, „Implementacija Zakona o Srebrenici“;
- (b) Sredstva namijenjena za finansiranje programa podrške investicijama na području jedinice lokalne samouprave Srebrenica (dostupan za privredna društva, obrte, zadruge i gazdinstva sa sjedištem ili registrovanom filijalom na području regije istočna Bosna) obezbijedena su na razdjelu 11130001, ekonomski kod 614500, „Subvencije privatnim preduzećima i poduzetnicima“;
- (c) Sredstva namijenjena za finansiranje programa podrške udruženjima građana i fondacija za aktivnosti održivog povratka, zaštite ljudskih prava i drugih aktivnosti vezane za borbu protiv diskriminacije, govora mržnje, građanskog organizovanja na području jedinice lokalne samouprave Srebrenica, nalaze se na razdjelu 11130001, ekonomski kod 614300, subanalitika BIN005, „Transfer neprofitnim organizacijama i udruženjima za fin/suf projekata za područja Srebrenice“;
- (d) Sredstva namijenjena za podršku Memorijalnom centru za istraživačke i razvojne aktivnosti obezbijedena su na razdjelu 11130001, ekonomski kod 614300, subanalitika BIN004, „Podrška i pomoć radu Memorijalnom centru Srebrenica-Potočari Spomen obilježje i mezarje za žrtve genocida iz 1995. godine“.



Navedeni iznosi planirani su prilikom izrade nacrt/prijedloga i usvajanja budžeta Kantona Sarajevo, te obezbjeđeni na odgovarajućim pozicijama kroz internu preraspodjelu.

Procjena rizika za realizaciju Programa utroška sredstava:

Vrsta rizika	Vjerovatnoća	Uticaj	Mjere
Nedovoljna dostupnost informacija o korisnicima sredstava	Niska	Na realizaciju procesa	a) Kontinuirana direktna komunikacija sa korisnicima, kao i komunikacija kroz medije i društvene mreže;
Utrošak sredstava protivno odredbama zakonskih, podzakonskih akata i javnog poziva	Srednja	Na realizaciju procesa	b) Po potrebi formiranje Komisije koja će izvršiti terensku kontrolu utroška sredstava.

Vrste aktivnosti praćenja koje se planiraju provoditi

- Ured Vlade Kantona Sarajevo za podršku Srebrenici (u daljnjem tekstu: Ured) će voditi evidenciju dodijeljenih sredstava na osnovu Plana i programa i zaključenih ugovora kojima će se precizirati prava i obaveze.
- Po potrebi, Vlada Kantona Sarajevo će formirati Komisiju koja će izvršiti terensku kontrolu i utrošak dodijeljenih sredstava.

Mjere za sprječavanje nepravilnosti i sukoba interesa

- U slučajevima pojave nepravilnosti i utvrđenog nenamjernog trošenja budžetskih sredstava, Ured će aktivirati mehanizme povrata sredstava prema odredbama ugovora o dodjeli sredstava, kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.
- Predsjednik, članovi komisije i sekretar koji budu provodili javni poziv će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, šef Ureda će, ukoliko smatra osnovanim i uputnim, i iz drugih razloga koji za posljedicu mogu imati pristrasno odlučivanje i razmatranje pristiglih prijava, predložiti premijeru isključenje predsjednika, člana, odnosno sekretara komisije za kojeg utvrdi da postoji sukob interesa.

Član 3.

Za realizaciju ove odluke zadužuju se Ured Vlade Kantona Sarajevo za podršku Srebrenici i Ministarstvo finansija Kantona Sarajevo, svako u okviru svoje nadležnosti.

Član 4.

Ova odluka stupa na snagu danom donošenja, a objavit će se u „Službenim novinama Kantona Sarajevo“.

Dostaviti:

1. Predsjedavajući Skupštine Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba



2. Zamjenici predsjedavajućeg Skupštine Kantona Sarajevo (3x).
3. Premijer Kantona Sarajevo.
4. Ured Vlade Kantona Sarajevo za podršku Srebrenici.
5. Ministarstvo finansija Kantona Sarajevo.
6. Ured za borbu protiv korupcije Kantona Sarajevo.
7. Za objavu u „Službenim novinama Kantona Sarajevo“.
8. Evidencija.
9. A r h i v a.

